

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 143. stav (4) Zakona o visokom obrazovanju („Službene novine Zeničko-dobojskog kantona”, broj: 12/22), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 31. sjednici, održanoj dana 10.08.2023. godine, d o n o s i

ZAKLJUČAK

o davanju saglasnosti na visinu naknada spoljnim saradnicima u realizaciji naučno-nastavnog procesa trećeg ciklusa studija na Univerzitetu u Zenici u akademskoj 2023/2024. godini

I.

Daje se saglasnost na Prijedlog odluke Upravnog odbora Univerziteta u Zenici, broj: 01-01-1-2371/23 od 26.06.2023. godine, na visinu naknade za izvođenje predavanja, visinu naknade za mentorstvo, komentorstvo i članstvo u komisiji za ocjenu uslova kandidata i podobnosti teme, te članstvo u komisiji za ocjenu i odbranu teme, kao i na visinu naknade za putne troškove i smještaj (noćenje) spoljnim saradnicima u realizaciji naučno-nastavnog procesa trećeg ciklusa studija na Univerzitetu u Zenici u akademskoj 2023/2024. godini.

II.

Visina naknade za izvođenje predavanja u neto iznosu obračunava se po satu, pri čemu maksimalni broj sati predavanja mora biti usklađen s nastavnim planovima fakulteta Univerziteta u Zenici i Odlukom Senata Univerziteta u Zenici o usvajanju nastavničkih timova za akademsku 2023/2024. godinu. Visina naknade po satu iznosi:

- Redovni profesor 80,00 KM (slovima: osamdeset konvertibilnih maraka),
- Vanredni profesor 80,00 KM (slovima: osamdeset konvertibilnih maraka).

III.

Visina naknade u neto iznosu za mentorstvo i komentorstvo iznosi:

- Mentor (komisija bez komentora) 1.800,00 KM (slovima: hiljaduosamstotina konvertibilnih maraka),
- Mentor + Komentor (komisija sa komentorom) 1.200,00 KM + 600,00 KM (slovima: hiljadudvjestotine konvertibilnih maraka+šeststotina konvertibilnih maraka).

IV.

Visina naknade u neto iznosu za članstvo u komisiji za ocjenu uslova kandidata i podobnosti teme iznosi:

- Predsjednik komisije 300,00 KM (slovima: tristotine konvertibilnih maraka),
- Član komisije 150,00 KM (slovima: stotinupedeset konvertibilnih maraka).

V.

Visina naknade u neto iznosu za članstvo u komisiji za ocjenu i odbranu doktorskog rada iznosi:

- Predsjednik komisije 350,00 KM (slovima: tristotinepedeset konvertibilnih maraka),
- Član komisije 200,00 KM (slovima: dvjestotine konvertibilnih maraka),
- Sekretar komisije 50,00 KM (slovima: pedeset konvertibilnih maraka).

VI.

Angažovanim spoljnim saradnicima koji imaju prebivalište izvan sjedišta fakulteta Univerziteta u Zenici pripada naknada za putne troškove, kao i naknada za smještaj (noćenje).

VII.

Naknada za putne troškove za relacije u zemlji i inostranstvu priznaje se u visini od 0,30 KM po pređenom kilometru.

VIII.

Naknada za smještaj (noćenje) u sjedištu Univerziteta u Zenici priznaje se u neto iznosu do 70,00 KM (slovima: sedamdeset konvertibilnih maraka) za jedno noćenje, uz priložen račun hotelskog smještaja kao dokaz noćenja.

IX.

Ukupne naknade spoljnim saradnicima u realizaciji naučno-nastavnog procesa trećeg ciklusa studija na Univerzitetu u Zenici u akademskoj 2023/2024. godini utvrdit će se pojedinačnim ugovorima o djelu između Univerziteta i spoljnog saradnika po osnovu elemenata navedenih u tačkama od II. do VIII. ovog zaključka, a obračun i isplata vršit će se u skladu s važećom zakonskom regulativom.

X.

Sredstva za realizaciju naučno-nastavnog procesa spoljnim saradnicima isplatit će se iz vlastitih sredstava Univerziteta u Zenici.

XI.

Zadužuju se Univerzitet u Zenici, Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

XII.

Zaključak stupa na snagu danom donošenja.

PREMIJER

Amra Mehmedić

Broj: 02- /23

Datum, 10.08.2023. godine

Z e n i c a

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x Univerzitet u Zenici-Rektorat, Fakultetska 3,

putem Ministarstva,

1x a/a.